

ITIRAZNAME

Ji sekreterê Neteweyên Yekbûyî (NY) re

Ji bo baldariya yê ku peyman û dokumentên mafê mirovan yê navnetewî amade dikin, yê ku gotinên wan di polîtîka cîhanê de derbas dibin.

Li gor destûra NY xala 2an pêwîst e ku her netewe biryara çarenûs û pêşeroja xwe bixwe bide. Di xala 3an de jî dinivîse ku NY ferqê naxe navbera nîjad, cinsiyet, ziman û olê. Pêwîst e ku rêz li mafê mirov û mafê azadiya bingehîn bê girtin.

Di sala 1639an de, bi peyman Kasri Şîrînê, Kurdistan di navbera împaratoriya Îran û Osmanî de hate dabeşkirin. Piştî şerê cîhanê yê yekem împaratoriya Osmanî hilweşiya û sînorên îro yê Tirkîyê di navbera nûnerên tirk û dewletên hevpeyman bi Peymana Lozanê di 24ê tîrmeha 1923an de hate danîn. Axa Kurdistanê ya bin destê Osmaniyan de careke din hate parçe kirin û Kurdistan bû çar paeçe.

Li Rojhilata Navîn di navbera 35-40 mîlyonan de kurd dijîn. Lê hebûna kurdan li herêmê nayê dîtin û kurdan nas nakin. Navê kurd û Kurdistanê tune ye. Bi dehan neteweyên ku nifûsa wan ji çend sedhezaran derbas nabin, bûne xwedî dewlet. Kurd tune ne.

Li gor qanûnên dagirkeran kurd ne wek kêmetewe tên naskirin, ne jî welatê kurdan wek kolonî qebûl dikin. Axa me ya ku bi hezar salan in em li ser dijîn malê tirk, faris û ereb tê hesibandin. Ango em tune ne. Statuya me ji kolonîyê jî xerabtir e, ziman, reng û çanda me qedexe ne.

Kurdistan hatiye dagir kirin û li Kurdistanê wezîfeya van dewletan ew e ku zulmê bike û asîmîle bike û kesên ku li hember rejîmên înkarker û zulmkar serîhilde, bipelçiqîne. Ev dewlet ji bo ku şopa kurdan li Kurdistanê nehêlin, hemû rê û rêbazên ji derveyî mirovayetiya bi kar tînin.

Encama şîdeta dewletên dagirker, dîroka me kiriye dîroka serîhildê. Li Kurdîstana perçekirî agirê daxwazên azadî û dadwerîyê qet nehatiye vemirandin.

Serxwebûn û azadî mafê her kesekî ye lê çima ev ji bo me wek maf layîq nayê dîtin û qebûl kirin? Ew mafên ku li cîhanê ji bo gelên din hatine dayîn, bila ji bo me jî were dayîn û qebûl kirin. Di wan rojên dawîyê de Kosova serxwebûna xwe ûlan kir. Em jî dixwazin li ser çaresnûsa xwe em xwedî biryar û maf bin.

Dewletên ereb, tirk û faris em kurdan ne afrandine. Pêş hebûna wan dewletan, em xwediyê welat û axa xwe bûne. Em li ser axa xwe ne û li ciheke din ve nehatine.

Ji bo nasnameya xwe û gotina Kurdistanê em tên girtin, îşkence kirin û kuştin. Muhra "terrorîst" li me dixin û li gor vê jî em tên darizandin.

Em kurd êdî maf û edaletê dixwazin. Em dixwazin nifşên me yê nûhatî êdî bi ziman û çanda xwe mezin bibin. Li gund, bajarok û bajarên xwe êdî bêtirs û azad bijîn.

Almanya ji cihû û Avustralya jî ji aborjînan lêborîna xwe xwestin. Lêbelê kurdên ku welatên wan kirine çar perçe, hemû nifşên wan komkujî dîtine, kes lêborîna xwe ji wan naxwaze.

Em ji yê ku hebûna me qebûl nakin re dibêjin; em qet dest ji Kurdistanê bernadin.

Hûn dewlet û saziyên ku îro çarenûsa cîhanê di destê xwe de digrin, madem ku di vê cîhanê de bêtir dezgeh û gotinên we derbas dibin, em dixwazin hûn ji bo me kurdan jî statûyekê diyar bikin.

Em jî wek mirovên din yê cîhanê mafê xwe, azadiya xwe û wek gelê kurd jî welatê xwe Kurdistanê bi şûn de dixwazin.

Rêz û silav!

www.ezkurdim.com